



19. august 2022

UKA 2022/71

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Neqinik eqqussinermi akitsuutit peerneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut.

(Inatsisartunut Ilaasortaqaq Jens-Frederik Nielsen, Demokraatit)

Tungavilersuut

Naluneqanngitsutuut Demokraatit isumaqarput nunatsinni innuttaasut tamarmik inuunertik namminneq aalajangersassallugu kiffaanngissuseqarfiginissaa annertunerpaaffissaaniissasoq. Taamaattumik isumaqarpugut atugarissaarnitsinni pingaarutilinnut kinguneqanngitsumik akileraarutit akitsuutillu appasinnerpaaffissaaniissasut.

2021 naajartornerani naalakkersuisooqatigiissimasunut Aningaasanut Inatsi 2022

isumaqatigiissuteqassalluta aalajangernikuusimavugut. Isumaqatigiissuteqarsimaneq taanna kaffinut, tiinut, timmianullu akitsuutit pperneqarnissanik qulakkeerinnittuusimavoq, taakkulu tunisassiat innuttaasumut akikinnerulissallutik.

Taamaattorli akitsuutinik paaaneq tamaanga killeqarsorinngilarput. Rusland Ukrainemut tiguaaniarnerata kingunerisaanik pisiassat akii qaffassimapput, tamannalu kalaallinut erloqinartuuvoq. Taamaattumik Demokraatit maanna siunnersuutigaat neqinut eqqussinermi akitsuutit peerneqarnissaat. Tamanna assersuutigalugu kinguneqassaaq nersutip neqaa aserortigaq ullumikkormit 10 kr.-mik akikinnerulernissaa, savaaqqallu quttoraq 2 kilo eqqunneqarsimasup 50 kr.-mik ullumikkormit akikinnerulernissaa. Assersuutaannaapput kisiannili aamma qallersuutissat tinguaqqallu aamma akikinnerulissapput.

Nunatta karsiata naatsorsuutai 2021-mi atuarneqarsinnaavoq neqinut akitsuutinit pissarsiarineqarsimasut 18,3 million koruuniusimasut¹. Taakkunani ilai timmianinngaanneersimanissaat ilimagineqassaaq. Aningaasat taakkua allamiit nassaarineqassapput.

Periarfissat marluk taarusuppakka, eqqummaariffigineqassaarli isumaqatiginninniutaajumaarmata. Aningaasanik aallerfissatut siunnersuutit allat ammaffigaakka.

Siullertut akiliisarnermut aaqjissuusaaq llanngaassivik eqqunnissaa pissusissamisuusaaq². Tamanna ukiumut 30 million koruuninik iluanaarutaassaaq.

Aappaattut aningaasanut inatsimmi ingerlatsinermut tapiissutinullu aningaasaliissutiniit sipaarniarniarsinnaavugut. Tamanna ukiumut aningaasartuutinit 56 million koruunit sipaarneqassapput³.

¹ NUNATTA KARSIATA NAATSORSUUTAI 2021 – NAATSORSUUTINUT NASSUIAATIT

² Akiliisarfik llanngaassivik pillugu Inatsisartut inatsisaat nr. 30, 28. november 2019-imeersoq-mut oqaaseqaatit naliginnaasut

³ Akissut § 37-apeqquteqaat normu 38/2021



Taamatut oqaaseqarlunga Naalakkersuisut akissutaat partiillu sinnerisa oqaaseqarnissaat qilanaaraakka.

Pisortanut aningaasatigut allaffissornikkullu kingunissai

Allaffissornikkut kinguneqarnaviangilaq⁴. Nunatta Karsia annerpaamik 18,3 million koruunit missingerlugit pissarsissutaasussaagaluani annaasaqassapput⁵.

Namminersorlutik inuussutissarsiuteqartunut aningaasatigut allaffissornikkullu kingunissai

Suliffeqarfiit soorlu pisiniarfiit neqinik akiginiaasut tunisassaip akianik appaanissaminnut periarfissaqassapput. Suliffeqarfiit kantiinaqartut neqinik pisiniarnerminni sipaaruteqarsinnaassapput. Neriniartarfiit caféllu neqinik sanaassaminik pisiniarnerminni sipaaruteqassapput.

Nunatsinni savaaqqanik tunisassiortut eqqarsaatigissagaanni, ilimanaateqarsinnaavoq, pisisartut nunatsinneersuunngitsunik kisiannili savaaqqat nunatta avataaniit tikisitat pisiarinerulissagaat. Demokraatilli ilimanaat tamanna annikitsutut nalilerpaat savaaqqat nunatsinneersut pitsaassutsimigut qaffasinnerujussuummata.

Innuttaasunut aningaasatigut allaffissornikkullu kingunissai

Innuttaasut neqinik nerisartut neqinik pisiniarnerminni aningaasaatiminnik sipaaruteqassapput qaammammullu aningaasaateqarnerusalissallutik. Ilimagineqassaarlu caféni neriniartarfinilu neqinik sanaanik nerinissaq akikinnerulissammat.

⁴ Akissut § 37-apeqquteqaat normu 38/2021

⁵ NUNATTA KARSIATA NAATSORSUUTAI 2021 – NAATSORSUUTINUT NASSUIAATIT